

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՄԱՐՏԻ 19-Ի N
596-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ»
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
ՈՐՈՇՄԱՆ ՆԱԽԱԳԻԾ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

« » _____ 2024 թվականի N ____ - Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՄԱՐՏԻ
19-Ի N 596-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ
ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով <Նորմատիվ իրավական ակտերի մասին> օրենքի 33-րդ և 34-րդ հոդվածները՝ Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2015 թվականի մարտի 19-ի <Հայաստանի Հանրապետությունում կառուցապատման նպատակով թույլտվությունների և այլ փաստաթղթերի տրամադրման կարգը հաստատելու և Հայաստանի Հանրապետության կառավարության մի շարք որոշումներ ուժը կորցրած ճանաչելու մասին> N 596-Ն որոշման.

1) **Հավելված N1-ի 4-րդ կետի 19-րդ ենթակետը** <հարցման հիման վրա> բառերից հետո լրացնել <, ընդ որում, Հայաստանի Հանրապետության պետական և համայնքային միջոցների հաշվին իրականացվող շինարարական ծրագրերի տեխնիկական պայմանների ձեռքբերումը մինչև նախագծային փաստաթղթերի մշակման աշխատանքների մեկնարկն իրականացվում է բացառապես ծրագրերի պատվիրատու հանդիսացող պետական մարմինների և համայնքների կողմից> բառերով,

2) **Հավելված N3-ի 7-րդ կետը**՝ «Էլեկտրոնային ստորագրությամբ» բառերից հետո լրացնել «կամ Հայաստանի Հանրապետության օրենսդրությամբ

սահմանված խիստ նույնականացման այլ գործիքների կիրառմամբ» բառերով,

3) Հավելված N4-ի Ցանկ N1-ի 7-րդ կետի 12-րդ ենթակետի վերնագիրը շարադրել հետևյալ խմբագրությամբ՝ <12) էլեկտրամատակարարման (էլեկտրալուսավորման ներքին և արտաքին ցանցեր, ֆոտովոլտային և հողմաէներգետիկ կայաններ) վերգետնյա համակարգեր՝ > ,

4) Հավելված N4-ի Ցանկ N1-ի 7-րդ կետի 12-րդ ենթակետը <Է.> պարբերությունից հետո լրացնել <ը.>, <թ.>, <ժ.>, <ժա.>, <ժբ.> պարբերություններով, հետևյալ բովանդակությամբ.

 <ը. վնասված խողովակաշարերի վերականգնում մինչև 10.0գծմ երկարությամբ,

 թ. փտած, վնասված հենասյուների փոխարինում,

 ժ. բաշխիչ պահարանների և արկղերի փոխարինում,

 ժա. վնասված մալուխների, տեխնիկական սարքերի փոխարինում,

 ժբ. վնասված մալուխային ելքերի վերանորոգում:> ,

5) Հավելված N4-ի Ցանկ N1-ի 7-րդ կետը լրացնել նոր՝ 13-րդ ենթակետով՝ հետևյալ բովանդակությամբ. <13) կապի (հեռահաղորդակցության և ազդանշանային համակարգեր, հաղորդակներ, ընդունիչներ, անտենաներ, ուժեղարարներ) վերգետնյա համակարգեր՝

ա. դիտահորերի վերանորոգում, դիտահորերի վնասված ծածկերի և մտոցների փոխարինում,

բ. վնասված խողովակաշարերի վերականգնում մինչև 10.0գծմ երկարությամբ,

գ. փտած, վնասված հենասյուների փոխարինում, թեքված հենասյուների ուղղում, կախված մալուխների վերաձգում,

դ. բաշխիչ պահարանների և արկղերի փոխարինում,

ե. վնասված մալուխների, տեխնիկական սարքերի փոխարինում,

զ. վնասված մալուխային ելքերի վերանորոգում:> ,

6) Հավելված N4-ի Ցանկ N2-ի 3-րդ կետի 1-ին ենթակետի <զ.>

պարբերությունը շարադրել հետևյալ խմբագրությամբ՝ <զ. առևտրի, հանրային սննդի և կենցաղային սպասարկման շենքերն ու շինությունները (այդ թվում՝ էլեկտրամոբիլների լիցքավորման վերգետնյա կայանների (տերմինալների) տեղակայում (կառուցում)՝ երեքը չգերազանցող քանակով)՝ բացառությամբ բենզալցակայանների և գազալցակայանների> ,

7) Հավելված N4-ի Ցանկ N2-ի 3-րդ կետի 1-ին ենթակետից հետո լրացնել նոր՝ 1.1-ին ենթակետ՝ հետևյալ բովանդակությամբ. <1.1) բազմակի օգտագործման

օրինակելի նախագծերով նախատեսված, բնակչության սանիտարահամաճարակային անվտանգության ապահովման և հանրային առողջության բնագավառում գործունեություն իրականացնող պետական կազմակերպության դրական եզրակացությամբ երաշխավորված բջջային կապի դաշտային (բազային) կայանքների տեղադրման, նորոգման, արդիականացման աշխատանքներ (բացառությամբ Հայաստանի Հանրապետության կառավարության 2024 թվականի մայիսի 2-ի N638-Ն որոշմամբ նախատեսված դեպքերի)>,

8) Հավելված N4-ը Ցանկ N2-ից հետո լրացնել հետևյալ բովանդակությամբ նոր՝ Ցանկ N2.1-ով՝

<ՑԱՆԿ N2.1

**ՄԻՋԻՆԻՑ ԲԱՐՁՐ ՌԻՍԿԱՅՆՈՒԹՅԱՆ ԱՍՏԻՃԱՆԻ (III ԿԱՏԵԳՈՐԻԱՅԻ)
ԴԱՍԱԿԱՐԳՈՒՄ ՈՒՆԵՑՈՂ ՕԲՅԵԿՏՆԵՐԻ**

1. Միջինից բարձր ռիսկայնության աստիճան ունեցող օբյեկտների նախագծային փաստաթղթերը ենթակա են քաղաքաշինական պարզ փորձաքննության:

2. Միջինից բարձր ռիսկայնության (III կատեգորիայի) օբյեկտներն են՝

1) հաստատված նախագծերով նախատեսված, բնակչության սանիտարահամաճարակային անվտանգության ապահովման և հանրային առողջության բնագավառում գործունեություն իրականացնող պետական կազմակերպության դրական եզրակացությամբ երաշխավորված բնակելի նշանակության օբյեկտներում (բազմաբնակարան շենքերի, անհատական բնակելի տների, հասարակական և արտադրական օբյեկտների տանիքներում) բջջային կապի բազային կայանքների (ալեհավաքների) տեղակայման, նորոգման, արդիականացման աշխատանքներ (բացառությամբ Հայաստանի Հանրապետության կառավարության 2024 թվականի մայիսի 2-ի N638-Ն որոշմամբ նախատեսված դեպքերի),

2) II և IV կատեգորիաների ռիսկայնության օբյեկտների դասին չպատկանող, սակայն այդ միջակայքում բնութագրային ցուցանիշներ ունեցող բնակելի և հասարակական նշանակության օբյեկտներ,

3) Էլեկտրամոբիլների լիցքավորման վերգետնյա (երեքը գերազանցող քանակով) կայանների (տերմինալների) տեղակայման (կառուցման) աշխատանքներ,

4) հեռահաղորդակցության քաղաքային, գյուղական բաշխիչ (երկրորդային) ցանցերի կառուցման, գոյություն ունեցող ենթակառուցվածքների ընդլայնման,

վերագինման և հիմնանորոգման աշխատանքներ>:

9) **Հավելված N4-ի Ցանկ N3-ի 4-րդ կետի 1-ին ենթակետը**, <իդ.> պարբերությունից հետո, լրացնել նոր՝ <իդ.> պարբերությամբ՝ հետևյալ բովանդակությամբ. <իդ. Էլեկտրամոբիլների լիցքավորման ստորգետնյա կայաններ (տերմինալներ)>:,

10) **Հավելված N4-ի Ցանկ N3-ի 4-րդ կետի 3-րդ ենթակետը՝** <զ.> ենթակետից հետո, լրացնել նոր՝ <է.> պարբերությամբ՝ հետևյալ բովանդակությամբ. <է. Հայաստանի Հանրապետության կառավարության 2024 թվականի մայիսի 2-ի N638-Ն որոշման հավելվածով սահմանված օբյեկտները>:,

11) **Հավելված N 5-ում** <Հաշմանդամների> և <հաշմանդամների> բառերը փոխարինել համապատասխանաբար՝ <Հաշմանդամություն ունեցող անձանց> և <հաշմանդամություն ունեցող անձանց> բառերով,

12) **Հավելված N 5-ի**

ա. N2-5 ձևի 1-ին կետի 1-ին ենթակետը, <պայմանագրի համաձայն> բառերից հետո լրացնել հետևյալ բովանդակությամբ. (միջին ռիսկայնության աստիճանի (II կատեգորիայի) դասակարգում ունեցող օբյեկտների համար՝ ՀՀ կառավարության 2023 թվականի սեպտեմբերի 22-ի N 1615-Ն որոշմամբ հաստատված ցանկի 3-րդ գլխով սահմանված դեպքերում, գլխավոր կապալառուի անվանումը, լիցենզիայի համարը և պայմանագրի տվյալները կարող են չլրացվել),

բ. N2-5 ձևի 1-ին կետի 1-ին ենթակետի <շինարարական աշխատանքների կապալառուի> բառերը փոխարինել <գլխավոր կապալառուի> բառերով:

գ. N2-5 ձևի 1-ին կետի 2-րդ ենթակետի <կամ (լրացվում է ռիսկայնության II կատեգորիայի օբյեկտների շինարարության որակի տեխնիկական հսկողությունը՝ շինարարական աշխատանքների պատասխանատու կապալառուի երաշխավորության պայմանագրով փոխարինվելու դեպքում)> բառերը փոխարինել <կամ (լրացվում է միջին ռիսկայնության աստիճանի (II կատեգորիայի) օբյեկտների շինարարության որակի տեխնիկական հսկողությունը՝ շինարարական աշխատանքների պատասխանատու կապալառուի երաշխավորագրով փոխարինվելու դեպքում կամ չի լրացվում՝ ՀՀ կառավարության 2023 թվականի սեպտեմբերի 22-ի N 1615-Ն որոշմամբ հաստատված ցանկի 4-րդ գլխով սահմանված դեպքերում)>:,

դ. N2-5 ձևի 1-ին կետի 2-րդ ենթակետի <նշել շինարարական աշխատանքների պատասխանատու կապալառուի երաշխավորության պայմանագրի համարը> բառերը փոխարինել <նշել շինարարական աշխատանքների պատասխանատու կապալառուի երաշխավորագրի ամսաթիվը, համարը> բառերով,

ե. N3-1 ձևի 3-րդ կետը, <կողմից> բառից հետո, լրացնել հետևյալ բովանդակությամբ. <(միջին ռիսկայնության աստիճանի (II կատեգորիայի) դասակարգում ունեցող օբյեկտների համար՝ ՀՀ կառավարության 2023

թվականի սեպտեմբերի 22-ի N 1615-Ն որոշմամբ հաստատված ցանկի 3-րդ գլխով սահմանված դեպքերում, գլխավոր կապալառուի անվանումը կարող է չլրացվել)>,

գ. N3-2 ձևի 3-րդ կետը, <կողմից> բառից հետո, լրացնել հետևյալ բովանդակությամբ. <(միջին ռիսկայնության աստիճանի (II կատեգորիայի) դասակարգում ունեցող օբյեկտների համար՝ ՀՀ կառավարության 2023 թվականի սեպտեմբերի 22-ի N 1615-Ն որոշմամբ հաստատված ցանկի 3-րդ գլխով սահմանված դեպքերում, գլխավոր կապալառուի անվանումը կարող է չլրացվել)>,

ե. N3-3 ձևի 4-րդ կետը, <կողմից> բառից հետո, լրացնել հետևյալ բովանդակությամբ. <(միջին ռիսկայնության աստիճանի (II կատեգորիայի) դասակարգում ունեցող օբյեկտների համար՝ ՀՀ կառավարության 2023 թվականի սեպտեմբերի 22-ի N 1615-Ն որոշմամբ հաստատված ցանկի 3-րդ գլխով սահմանված դեպքերում, գլխավոր կապալառուի անվանումը կարող է չլրացվել)>,

ը. N 3-2-1 ձևը, <Ենթակապալառու կազմակերպություն> պարբերությունից հետո, լրացնել հետևյալ բովանդակությամբ. <(միջին ռիսկայնության աստիճանի (II կատեգորիայի) դասակարգում ունեցող օբյեկտների համար՝ ՀՀ կառավարության 2023 թվականի սեպտեմբերի 22-ի N 1615-Ն որոշմամբ հաստատված ցանկի 3-րդ գլխով սահմանված դեպքերում, գլխավոր կապալառուի և ենթակապալառուի անվանումները կարող են չլրացվել)>,

թ. N 3-2-1 ձևի <Այլ շահագրգիռ կազմակերպություններ> պարբերության 3-րդ կետի <Տեխնիկական հսկողությունը փոխարինվել է շինարարական աշխատանքների կապալառուի _____ N _____ երաշխավորագրով (կցվում է)> բառերը փոխարինել <Միջին ռիսկայնության աստիճանի (II կատեգորիայի) օբյեկտների տեխնիկական հսկողությունը փոխարինվել է շինարարական աշխատանքների կապալառուի _____ N _____ երաշխավորագրով (կցվում է) կամ չի լրացվում՝ ՀՀ կառավարության 2023 թվականի սեպտեմբերի 22-ի N 1615-Ն որոշմամբ հաստատված ցանկի 4-րդ գլխով սահմանված դեպքերում)>,

ժ. N 3-2-1 ձևի <Հանձնաժողովն արձանագրեց, որ՝> պարբերության 1-ին կետը, <շինարարական աշխատանքներն ավարտված> բառերից հետո, լրացնել հետևյալ բովանդակությամբ. <(միջին ռիսկայնության աստիճանի (II կատեգորիայի) դասակարգում ունեցող օբյեկտների համար՝ ՀՀ կառավարության 2023 թվականի սեպտեմբերի 22-ի N 1615-Ն որոշմամբ հաստատված ցանկի 3-րդ գլխով սահմանված դեպքերում, գլխավոր կապալառուի անվանումը, շինարարական կապալի պայմանագրի N-ը կարող են չլրացվել)>:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից: